

圖經衍義本草卷之十四

事一

宋通直郎辨驗藥材寇宗奭編撰
宋大醫助教辨驗藥材許洪校正

草部中品

牛蒡子

蜀州



牛蒡子惡實味辛平主明目補中除風傷根
莖療傷寒寒熱汗出中風面腫消渴熱中逐
水久服輕身耐老生魯山平澤

陶隱居云方藥不復用唐本注云魯山
在鄆州東北其草葉大如芋子殼似栗狀
實細長如荑蒺藜子根主牙齒疼痛勞瘧脚
弱風毒癰疽欬嗽傷肺壅疝瘕止血主
諸風癩痕冷氣吞一枚出癰疽頭別錄名
牛蒡一名鼠黏草今按陳藏器本草云
惡實根蒸暴乾不爾令人欲吐浸酒去風

又治惡瘡子名鼠黏上有芒能綴鼠味苦
主風毒腫諸癰根可作茹食之葉亦搗傅
杖瘡不膿避風禹錫等按藥性論云牛
蒡可單用味甘無毒能主面目煩悶四肢
不健通十二經脉洗五藏惡氣可常作菜
食之令人身輕子研末投酒中浸三日每
日服三二盞任性飲多少除諸風去丹石
毒主明目利腰脚又食前吞三枚熟按下
散諸結節筋骨煩熱毒又根細切如豆麵
拌作飲食之消脹壅又莖葉煮汁釀酒良
又取汁夏月多浴去皮間習習如蟲行風
洗了慎風少時又能搗一切腫毒用根葉
入少許鹽花搗

圖經曰惡實即牛蒡子也生魯山平澤今
處處有之葉如芋而長實似葡萄而褐色
外殼如栗採小而多刺鼠過之則綴惹不
可脫故謂之鼠黏子亦如羊負來之比根
有極大者作菜茹尤益人秋後採子入藥
用根葉亦可生搗入少鹽花以搗腫毒又
冬月採根蒸暴之入藥劉禹錫傳信方療

中風用緊細牛蒡根取時須避風以竹刀
或荆刀刮去土用生布拭了擣絞取汁一
大升和著好蜜四大合温分為兩服每服
相去五六里初服得汗汗出便差此方得
之岳鄂鄭中丞鄭頃年至預陽因食一頓
熱肉便中暴風外生盧代為穎陽尉有此
方當時便服得汗隨差神效又篋中方風
頭及腦掣痛不可禁者磨膏主之取牛蒡
莖葉搗取濃汁二升合無灰酒一升鹽花
一匙頭塘火煎令稠成膏以摩痛處風毒
散自止亦主時行頭痛摩時須極力令作
熱乃速効冬月無苗用根代之亦可
雷公云凡使採之淨揀勿令有雜子然後
用酒拌蒸待上有薄白霜重出却用布拭
上然後焙乾別擣如粉用

食療云根作脯食之良熱毒腫擣根及葉
封之杖瘡金瘡取葉貼之永不畏風又癰
瘻及丹石風毒石熱發毒明目利腰膝
則取其子末之投酒中浸經三日每日飲
三兩盞隨性多少錄散支節筋骨煩熱毒

則食前取子三七枚熟按吞之十服後甚良細切根如小豆大拌麩作飯煮食尤良又皮毛間習習如蟲行煮根汁浴之夏浴慎風却入其子炒過末之如茶煎三七通利小便

聖惠方治時氣餘熱不退煩躁發渴四肢無力不能飲食用根搗絞取汁不計時服一小盞立効

外臺秘要治喉痺牛蒡子六分馬蘭子八分搗為散每空心煖水服方寸七漸加一七半日再服

經驗方治風熱閉塞咽喉遍身浮腫以牛蒡子一合半生半熟杵為末熱酒調下一錢七立差

孫真人食忌主天行以生牛蒡根搗取汁五大合空腹分為兩服服訖取桑葉一大把炙令黃水一升煮取五合去滓預服暖覆取汗無葉用枝
食醫心鏡治熱攻心煩躁恍惚以牛蒡根搗汁一升食後分三服良

斗門方治頭面忽腫熱毒風內攻或手足頭面腫觸著痛用牛蒡根一名蝙蝠到洗淨爛研酒煎成膏攤在紙上貼腫處仍熱酒調下一服腫止痛減

王氏博濟治瘡疤將出牛蒡子炒令熟杵為末每服一錢入荆芥二穗水一盃同煎至七分放溫服如瘡膿已出更服亦妙

初虞世治皮膚風熱遍身生癢癩牛蒡子浮萍等分以薄荷湯調下二錢日二服衍義曰惡實是子也今謂牛蒡末去萼時

謂之鼠黏子根謂之牛菜疎風壅涎唾多咽膈不利微炒荆芥穗各一兩甘草炙半兩同為末食後夜卧湯點二錢服當緩取効子在萼中萼上有細鈎多至百十謂之芒則誤矣根長二尺蘼如拇指煮爛為菜

水萍



水萍味辛酸寒無毒主暴熱身痒下水氣勝酒長鬚髮主消渴下氣以沐浴生毛髮久服輕身一名水肥一名水白一名水蘇生雷澤池澤三月採曝乾

陶隱居云此是水中大萍爾非今浮萍子藥錄云五月有花白色即非今溝渠所生者楚王渡江所得非斯實也

唐本注云水萍者有三種大者名蘋水中又有荇菜亦相似而葉圓水上小浮萍主火瘡○今按陳藏器本草云水萍有

三種大者曰蘋葉圓闊寸許葉下一點如水沫一名芡菜暴乾括樓等分以人乳為丸主消渴搗絞汁飲主蛇咬毒入腹亦可傳熱瘡小萍子是溝渠間者末傳面點搗汁服之主水腫利小便又人中毒取萍子暴乾末酒服方寸七又為膏長髮本經云水萍應是小者

禹錫等按爾雅云萍萍其大者蘋注水中浮萍江東謂之藻陸機毛詩義疏云其蘼大者謂之藻小者曰萍季春始生可糝蒸

為茹又可苦酒淹以就酒

日華子云治熱毒風熱疾熱狂癩腫毒湯火瘡風瘡

圖經曰水萍生雷澤池澤今處處溪澗中皆有之此是水中大萍葉圓闊寸許葉下

有一點如水沫一名芥菜爾雅謂之萍其

大者曰蘋是也周南詩云于以采蘋陸機

云海中浮萍麤大者謂之蘋季春始生可

糝蒸以為茹又可用苦酒淹以按酒三月

採暴乾蘇恭云此有三種大者曰蘋中者

曰荇菜即下鳧葵是也小者水上浮萍即

溝渠間生者是也大蘋今醫家鮮用浮萍

俗醫用治時行熱病亦堪發汗甚有功效

方用浮萍草一兩四月十五日者麻黃去

節根挂心附子炮製去臍皮各半兩四物

搗細篩每服二錢以水一中盞入生薑半

分煎至六分不計時候和滓熱服汗出乃

差又治惡疾遍身瘡者取水中浮萍濃黃

汁漬浴半日多效此方甚奇也

聖惠方治少年面上起細皰按浮萍盪之

亦可飲少許汁良也

又方發背初得毒腫焮熱赤爛搗和雞子清貼之良

千金方治中水毒手足指冷即是或至膝

肘以浮萍日乾服方寸匕差

千金翼治小便不利膀胱水氣流滯以浮

萍日乾末服方寸七日一二服良

孫真人食忌五月取浮萍陰乾燒煙去蚊

子又主消渴以浮萍汁服之

子母秘錄熱毒浮萍搗汁傳之令通

高供奉採萍時日歌不在山不在岸採我

之時七月半選甚癩風與癩風些小微風

都不算且淋酒內下三九鐵櫃頭上也出

汗

王瓜

均州



王瓜味苦寒無毒主消渴內痺癢血月閉寒

熱酸疼益氣愈尊療諸邪氣熱結鼠瘻散癰

腫留血婦人帶下不通下乳汁止小便數不

禁逐四肢骨節中水瘰馬骨刺人瘡一名土

瓜生魯地平澤田野及人家墻間三月採根

陰乾

陶隱居云今土瓜生籬院間亦有子熟時

赤如彈丸大根今多不預乾臨用時乃搥

取不堪入大方正單行小小爾禮記月令

云王瓜生此之謂也鄭玄云菘葵殊為謬

矣

唐本注云其物蔓生葉似栝樓圓無叉缺

子如梔子生青熟赤但無稜爾根似葛細

而多糝比間者累累相連大如棗皮黃肉

白苗子相似根狀不同試療癰疽破血南

者大勝也○今按陳藏器本草云王瓜主

蠱毒小兒閃痺痲滿并瘡取根及葉搗絞

汁服當吐下宜少進之有小毒故也

禹錫等按爾雅云鈎藤姑釋曰鈎一名滕

姑郭曰鈎藤也一名王瓜實如瓠瓜正赤

治小使數年不...

王子云王瓜子... 風瀉血赤白痢... 亦有其症...

治積勞治積損清瘀血破癥瘕落胎

國經曰王瓜生... 墻間... 此也葉似栝樓...

葛細而多... 累相連大如棗皮...

根狀不同耳... 為老鴟瓜亦曰菟瓜...

菟瓜郭璞注云似土瓜而土瓜目謂之... 與菟茹同...

也又云菟物... 詩所謂採葑採菲者非此土瓜也...

有異類同名甚多不可不辨也... 上癰瘰子用之仍得光潤皮急以土瓜根

搗蒜漿水旬和入夜先漿水洗面傳藥旦復沈之百日光華射人小兒四歲發黃生搗絞汁三合與飲不過三飲已

聖惠方治黑疸多死宜急治用瓜根一觔搗絞汁六合頓服當有黃水隨小便出如未出更服之

外臺秘要治蠱土瓜根大如母指長三寸切以酒半升漬一宿一服當吐下

肘後方治黃疸變成黑疸醫所不能治土瓜根汁頓服一小升平旦服食後須病汗

小便出愈不爾再服

又方治小便不通及關格方生土瓜根搗取汁以少水解之筒中吹下部取通

產書下乳汁土瓜為末酒服一錢一日三衍義曰王瓜體如栝樓其殼徑寸一種長

二十上微圓下尖長七八月間熟紅赤色

殼中子如螳螂頭者今人又謂之赤雹子其根即土瓜根也於細根上又生淡黃根

三五相連如大指許根與子兩用紅子同白土子治頭風

地榆

江寧府



衛州



地榆味苦甘酸微寒無毒主婦人乳痃痛七傷帶下病止痛除惡肉止汗癩金瘡止膿血

諸瘻惡瘡熱瘡消酒除消渴補絕傷產後內塞可作金瘡膏生桐栢及宛句山谷二月八

月採根曝乾得雙良惡

陶隱居云近道處處有葉似榆而長初生

布地花子紫黑色如豉故名玉豉一莖長直上根亦入釀酒道方燒作灰能爛石也

之若時用葉作飲亦好○今按別本注云今人止冷熱痢及疳痢熱極効

禹錫等按藥性論云地榆味苦平能治產

後餘瘀癩痛七傷治金瘡止血痢蝕膿

蕭炳云今方用共摶皮同煎赤白痢

日華子排膿止血鼻衄月經不止血崩

產前後諸血疾赤白痢并水瀉瀝前止腸

風但是平原川澤皆有獨莖花紫七八月

採

圖經曰地榆生桐栢及宛句山谷今處處

有之宿根三月內生苗初生布地莖直高

三四尺對分出葉葉似榆少俠細長作鋸

齒狀青色七月開花如椹子紫黑色根外

黑裏紅似柳根二月八月採暴乾葉不用

山人乏茗時採此葉作飲亦好古斷下方

多用之葛氏載徐平療下血二十年者取

地榆鼠尾草各三兩水二升煮半頓服不

斷水漬屋塵飲一小盃投之不過重作乃

差小兒疳痢亦單煮汁如飴糖與服便已

又毒蛇螫人搗新根取汁飲兼以漬瘡良

崔元亮海上方赤白下骨立者地榆一觔

水三升煮取一升半去滓再煎如稠錫絞

瀝空腹服二合日再

唐本注云主帶下十二病孔氏音義云一

日多赤二日多白三日月水不通四日陰

蝕五日子藏堅六日子門辟七曰合陰陽

患痛八曰小腹寒痛九日子門閉十日子

宮冷十一曰夢與鬼交十二曰五藏不定

用葉作飲代茶甚解熱

聖惠方治婦人漏下赤白不止令人黃瘦

虛竭以地榆三兩細剉米醋一升煮十餘

沸去滓食前稍熱服一合亦治吐血

千金翼代指逆腫單煮地榆作湯漬之平

日愈

肘後方療虎犬咬人地榆根末照方十七

日一二服傳瘡尤佳

葛氏云毒蛇螫人搗地榆根絞取汁飲兼

以漬瘡

梅師方治獾犬咬人煮地榆飲之兼末傳

瘡上服方寸七日三服忌酒若治瘡已差

者搗生韭汁飲之一二升

齊民要術地榆汁釀酒治風痺補腦

三洞要錄地榆剉一升稻米一升白玉屑

一升三物取白露汁二升置銅器中煮未

熟絞取汁玉屑化為水名曰玉液以藥內

盃美醴中所謂神王漿也

衍義曰地榆性沉寒入下焦熱血痢則可

用若虛寒人及水瀉白痢即未可輕使

大小薊根



味甘溫主養精保血大薊主女子

赤白沃安胎止吐血衄鼻令人肥健五月採

陶隱居云大薊是虎薊小薊是貓薊葉並

多刺相似田野甚多方藥不復用是賤之

故大薊根甚療血亦有毒

唐本注云大小薊葉欲相似功力有殊並

無毒亦非虎貓薊也大薊生山谷根癭癭

腫小薊生平澤俱能破血小薊不能消腫

也○今按陳藏器本草云小薊破宿血止新血暴下血血痢驚瘡出血嘔血等絞取汁溫服作煎和糖合金瘡及蜘蛛蛇蠍毒服之亦佳

禹錫等按藥性論云大薊亦可單用味苦平止崩中血下生取根搗絞汁服半升許多立定

日華子云小薊根涼無毒治熱毒風并胃膈煩悶開胃下食退熱補虛損苗去煩熱生研汁服小薊力微只可退熱不似大薊能補養下氣又云大薊葉涼治腸癰腹臧瘀血運撲損可生研酒并小便任服惡瘡疥癬益研膏傳又名刺薊山牛蒡

圖經曰小薊根本經不著所出州土今處處有之俗名青刺薊苗高尺餘葉多刺心中出花頭如紅藍花而青紫色比人呼為千針草當二月苗初生二三寸時并根作茹食之甚美四月採苗九月採根並陰乾入藥亦生搗根絞汁飲以止吐血衄血下血皆驗大薊根苗與此相似但肥大耳而

功力有殊破血之外亦療癰腫小薊專主血痰

陳藏器云薊門以薊為名北方者勝也

食療云小薊根主養氣取生根葉搗取自然汁服一盞立佳又取菜煮食之除風熱

根主崩中又女子月候傷過搗汁半升服之金瘡血不止按葉封之夏月熱煩悶不止搗葉取汁半升服之立差

聖惠方治心熱吐血口乾用刺薊葉及根搗絞取汁每服一小盞頓服

又方乳石發動壅熱心悶吐血以生刺薊搗取汁每服三合入蜜少許攪勻服之

外臺秘要治鼻塞不通小薊一把水二升煮取一升去渣分服曾有人陰冷漸漸冷氣入陰囊腫滿恐死夜疼悶不得眠煮

大薊根汁服立差也

梅師方治卒吐血及瀉鮮血取小薊葉搗絞取汁溫服

簡要濟衆治九竅出血以刺薊一握絞取汁以酒半盞調和頓服之如無青汁只搗

乾者為末冷水調三錢七

又方治小兒浸淫瘡疼痛不可忍發寒熱刺薊末新水調傳瘡上乾即易之

衍義曰大小薊皆相似花如髻但大薊高三四尺葉皺小薊高一尺許葉不皺以此

為異小薊山野人取為蔬甚適用雖有微

芒亦不能害人

海藻



海藻味苦鹹寒無毒主癭瘤氣頸下核破散

結氣癭腫癥瘕堅氣腹中上下鳴下十二水

腫療皮間積聚暴積留氣熱結利小便一名

落首一名薄生東海池澤七月七日採曝乾

反甘草

陶隱居云生海島上黑色如亂髮而大少

許葉大都似藻又有石帆狀如栢藤石淋

又有石松狀如松瘡溪毒○今按陳藏器本草云此物有馬尾者大而有葉者本經及注海藻功狀不分馬尾藻生淺水如短馬尾細黑色用之當浸去鹹大葉藻生深海中及新羅葉如水藻而大本經云主結氣癭瘤是也○爾雅云綸組似綸組似組正為二藻也海人取大葉藻正在深海底以繩繫腰沒水下則得旋繫繩上五月已後當有大魚傷人不可取也

禹錫等按爾雅云籜海藻注海藻也一名海蘿如亂髮生海中○藥性論云海藻臣味鹹有小毒主辟邪鬼魅治氣疾急滿瘵疝氣下墜疼痛核腫去腹中雷鳴幽幽作聲

蓋說云海藻主起男子陰氣常食之消男子瘡疾南方人多食之傳於北人北人食之倍生諸疾更不宜矣

陳藏器云馬藻大寒搗傅小兒赤白游疹火焱熱瘡搗絞汁服去暴熱熱痢止渴生水上如馬齒相連又云石帆高尺餘根如

漆上漸軟作交羅文生海底煮汁服主婦人血結月閉石淋又云水松葉如松丰茸食之主水腫亦生海底具都賦云石帆水松是也

日華子云石帆平無毒紫色梗大者如筋

見風漸硬色如漆多人飾作珊瑚裝

圖經曰海藻生東海池澤今出登萊諸州

海中凡水中皆有藻周南詩云于以採藻

于沼于沚是也陸機云藻水草生水底有二種一種葉如雞蘇莖如筋長四五尺一

種莖如釵股葉如蓬蒿謂之聚藻扶風人

謂之藻聚為發聲也二藻皆可食熟授其

腥氣米麩糝蒸為茹甚佳美荆揚人飢荒

以當穀食今謂海藻者乃是海中所生根

著水底石上黑色如亂髮而羸大小許葉

類水藻而大謂之大葉藻本經云主癭瘤

是也海人以繩繫腰沒水下則得之旋繫

繩而之又有一種馬尾藻生淺水中狀如

短馬尾細黑色此主水瘡下水用之

陶隱居云爾雅所謂綸組似組東海

有之今青苔紫菜皆似綸昆布亦似組恐即是此也而陳藏器乃謂綸組正謂此二藻也謹按本經海藻一名藻而爾雅謂藻為石衣又謂薄切南名海藻與藻是海藻自有此二名而注釋皆以為藥草謂綸組乃別草若然隱居所云似近之藏器之說亦未可的據又注釋以石衣為水苔一名石髮石髮即陟釐也色類似苔而羸澁為異又云藻葉似蠶音而大生海底且陟釐下自有條味性功用與海藻全別又生江南池澤乃是水中青苔古人用以為紙亦青黃色今注以為石髮是也然則藻與薄皆是海藻之名石髮別是一類無疑也昆布今亦出登萊諸州功用乃與海藻相近也陶又云凡海中菜皆瘵癭瘤結氣青苔紫菜輩亦然又有石帆如栢主石淋水松如松主溪毒具都賦所謂草則石帆水松劉淵林注云石帆生海嶼石上草類也無葉高尺許其花離樓相貫連死則浮水中人於海邊得之稀有見其生者水松藥草

生水中出南海交趾是也紫菜附石生海上正青取乾之則紫色南海有之東海又有一種海帶似海藻而麤且長登州人取乾之柔韌可以繫束物醫家用下水速於海藻昆布之類石髮今人亦乾之作菜羹

臙敵之尤美青苔可以作脯食之皆利人白之類又有井中苔生廢井中并井藍皆主熱毒又有垣衣條云生古垣牆陰蘇恭云即古牆北陰青苔衣也生石上者名昔邪屋上生者名屋游大抵主療畧同陸龜蒙苔賦云高有瓦松卑有澤葵散巖竇者曰石髮補空田者曰垣衣在屋曰昔邪在藥曰陟釐是也瓦松生古瓦屋上若松子作層澤葵是葵也雖曰異類而皆感瓦石而生故陸推類而云耳今人罕復用之故但附見於此瓦松即下條昨葉何草也廣志謂之蘭香段成式云或言構木上多松栽土木氣洩則生瓦松然亦不必爾今醫家或用作女子行經絡藥陟釐古方治虛冷下痢最要范汪治腹中留飲有海藻

九又有瘦酒方用海藻一觔絹袋盛以清酒二升浸春夏二日秋冬三日一服兩合日三酒盡更合飲之如前洋暴乾末服方寸七日三不過兩劑皆是廣濟療氣膀胱急方宜下氣昆布臙法高麗昆布一觔白

米泔浸一宿洗去鹹味以水一斗煮令向熱擘長三寸闊四五分仍取葱白一握二寸切斷擘之更煮令昆布極爛仍下鹽酢豉糝調和一依臙法不得令鹹酸以生薑橘皮椒末等調和宜食粟米粳米飯海藻

亦依此法極下氣大効無所忌海藥云主宿食不消五膈痰壅水氣浮腫脚氣責純氣並良雷公云凡使先須用生烏豆并紫貝天葵和海藻三件同蒸一伏時後日乾用之肘後方治頷下瘰癧如梅李宜速消之海藻一觔酒二升漬數日稍稍飲之又方治頸下卒結囊欲成瘦海藻一觔洗去鹹酒浸飲之

澤蘭

徐州



梧州



澤蘭味苦甘微溫無毒主乳婦血衄中風餘疾大腹水腫身面四肢浮腫骨節中水金瘡癰腫膿產後金瘡內塞一名虎蘭一名龍葵一名虎蒲生汝南諸大澤傍三月三日採陰乾之使

陶隱居云今處處有多生下濕地葉微香可煎油或生澤傍故名澤蘭亦名都梁香可作浴湯人家多種之而葉小異今山中又有一種甚相似莖方葉小強不甚香既云澤蘭又生澤傍故山中者為非而藥家

乃採用之

唐本注云澤蘭莖方節紫色葉似蘭草而不香今京下用之者是陶云都梁香乃蘭草耳俗名蘭香煮水洗浴亦生澤畔人家種之花白紫萼莖圓殊非澤蘭也陶注蘭草復云名都梁香並不深識也

禹錫等按吳氏云澤蘭一名水香神農黃帝岐伯桐君酸無毒李氏溫生下地水傍葉如蘭二月生香赤節四葉相值枝節間

○藥性論云澤蘭使味苦辛主產後腹痛頻產血氣衰冷成勞羸瘦又治通身面目大腫主婦人血瀝腰痛

日華子云澤蘭通九竅利關脉養血氣破宿血消癥瘕產前產後百病通小腸長肉生肌消撲損瘀血治鼻洪吐血頭風目痛婦人勞瘦丈夫面黃四月五月採作纏把子

圖經曰澤蘭生汝南諸大澤傍今荆徐隨壽蜀梧州河中府皆有之根紫黑色如粟根二月生苗高二三尺莖幹青紫色作四

稜葉生相對如菱奇微香七月開花帶白色萼通紫色亦似蓮荷花三月採苗陰乾荆湖嶺南人家多種之壽州出者無花子此與蘭草大抵相類但蘭草生水傍葉光潤陰小紫五六月盛而澤蘭生水澤中及下濕地葉尖微有毛不光潤方莖紫節七

月八月初採微辛此為異耳今婦人方中最急用也又有一種馬蘭生水澤傍頗似澤蘭而氣臭味辛亦主破血補金瘡斷下血陳藏器以為楚詞所喻惡草即是也北人呼為紫菊以其花似菊也又有一種山

蘭生山側似劉寄奴葉無極不對生花心微黃赤亦能破血皆可用雷公云凡使須要別識雄雌其形不同大澤蘭形葉皆圓根青黃能生血調氣與藥合小澤蘭迥別採得後看葉上斑根須尖

此藥能破血通文積凡修事大小澤蘭須細到之用綃袋盛懸於屋南畔角上令乾用子母秘錄治小兒瘡癩嚼澤蘭心封上

衍義曰澤蘭按補註云葉如蘭今蘭葉如麥門冬稍闊而長及一二尺無枝稜殊不與澤蘭相似澤蘭纔出土便分枝梗葉如菊但尖長若取香臭則稍相類故謂之澤蘭又曰生汝南大澤傍則其種本別如蘭之說誤矣

氣瘴瘡生東海

陶隱居云今惟出高麗繩把索之如卷麻作黃黑色柔韌可食爾雅云綸似綸組似組東海有之今青苔紫菜皆似綸此昆

布亦似組恐即是也凡海中菜皆瘰癧瘰結氣青苔紫菜葦亦然乾苔性熱柔苔甚冷也○今按陳藏器本草云昆布主陰瘡含之咽汁生南海葉如手大如薄葉紫色

禹錫等按藥性論云昆布臣有毒利水道去面腫治惡瘡鼠瘻陳藏器云紫菜味甘寒主下熱煩氣多食令人腹痛發氣吐白沫飲少熱醋消之蕭炳云海中小螺子損人不可多食

圖經曰文具海藻條下

唐本註云又有石帆狀如栢治石淋又有水松狀如松治溪毒

陳藏器云主頹卵腫毒煮汁咽之生南海葉如手乾紫赤色大如薄葦陶云出新羅

黃黑色葉柔細陶解昆布乃是馬尾海藻也新注云如癭氣取末蜜圓含化自消也

海藥云謹按異志生東海水中其草順流而生新羅者黃黑色葉細胡人採得搓之

為索陰乾舶上來中國性溫主大腹水腫諸浮氣并癭瘤氣結等良

雷公云凡使先弊箬筒煮去鹹味焙乾細剉用每修事一舫用甌箬大小十箇同昆布細剉二味各一處下東流水從已煮至亥水逐旋添勿令少

食療云下氣久服瘦人無此疾者不可食海島之人愛食為無好菜只食此物服久病亦不生遂傳說其功於北人北人食之病皆生是水土不宜爾又云紫菜下熱氣塞咽喉煮汁飲之此是海中之物味猶有

毒性凡是海中菜所以有損人矣

聖惠方治癭氣結核癰腫硬以昆布一

兩洗去鹹搗為散每以一錢綿裹於好醋

中浸過含嚙津樂味盡再含之

外臺秘要治領下卒結囊漸大欲成癭以

昆布海藻等分為末蜜圓含如杏核大稍

稍嚙汁

千金翼治五癭昆布一兩並切如指大酢

漬含嚙汁愈

防已



興化車

防已味辛苦平溫無毒主風寒溫瘧熱氣諸

痼除邪利大小便療水腫風腫去膀胱熱傷

寒寒熱邪氣中風手脚攣急止洩散癰腫惡

結諸蝸疥癬蟲瘡通腠理利九竅一名解離

文如車輻理解者良生漢中川谷二月八月

採根陰乾

殷孽為之使殺雄黃毒惡細辛畏草薢

陶隱居云今出宜都建平大而青白色虛

軟者好黧黑水強者不佳服食亦須之是

癩風水家要藥爾

唐本注云防已本出漢中者作車輻解黃

實而香其青白虛軟者名木防已都不任

用陶評之佳者蓋未見漢中者爾

禹錫等按藥性論云防已君味苦有小毒

能治濕風口面喎斜手足疼散風痠主肺

氣嗽喘○又云本防已使畏女苑鹵鹹味

苦辛能治男子肢節中風毒風不語主散


結氣擁腫溫瘧風水腫治膀胱

蕭炳云木防已出華州

圖經曰防已生漢中川谷今黔中亦有之

但漢中出者破之文作車輻解黃實而香
莖梗甚嫩苗葉小類於牽牛折其莖一頭
吹之氣從中貫如木通類他處者皆白虛
軟又有腥氣皮皺上有丁足子名木防已
二月八月採陰乾用木防已雖今不入藥
而古方亦通用之張仲景治傷寒有增減
木防已湯及防已地黃五物防已黃耆六
物等湯深師療膈間支滿其人喘滿心下
痞堅面鰓黑其脉沈緊得之數十日吐下
之乃愈木防已陽主之木防已二兩石膏
二枚雞子大碎綿裹桂心二兩人參四兩
四物以水六升煮取二升分再服虛者便
愈實者三日復發汗至三日復不愈者宜
去石膏加芒消三合以水六升煮三味取
二升去滓內芒消分兩服微下利則愈禁
生葱蒜思邈療遺溺小便澁亦用三物木
防已湯

如通草
雷公云凡使勿使木條以其木條已黃腥
皮皺上有丁足子不堪用夫死防已要心
花文黃色者然細剉又剉草前草根相對
同蒸半日後出曬去車前草根細剉用之
肘後方服雄黃中毒防已汁解之防已實
焙乾為末如茶法煎服俗用治脫肛
初虞世南方治肺痿咯血多痰防已葶藶
等分為末糯米飲調下一錢



莖端結實狀若續隨子至葉枯時子黃熟
其根連一二十枚猶如天門冬之類形如
黃瓜亦如蘆菔大小不定彼人多生叢或
蒸煮之今多用鄆州者佳今附
禹錫等按別注又云主諸毒惡氣皮滿寒
疝下血今處處有之時人多用馬莖似箭
箝赤色故莖名赤箭也○藥性論云赤箭
脂一名天麻又名定風草味甘平能治冷
氣痺痺癱瘓不遂語多恍惚多驚失志
陳藏器云天麻寒主熱毒癰腫搗莖葉以
傳之亦取子作飲去熱氣生平澤似馬鞭
草節節生紫花花中有子如青箱子
日華子云味甘暖助陽氣補五勞七傷鬼
疰蠱毒通血脉關竅服无忌

天麻 味辛平無毒主諸風濕痺四肢拘攣小
兒風癩驚氣利腰膝強筋力久服益氣輕身
長年生鄆州利州太山嶗山諸山五月採根
曝乾
葉如芍藥而小當中抽一莖直上如箭箝


中潛生土內其根形如黃瓜連生一二十枚大者有重半觔或五六兩其皮黃白色名白龍皮肉名天麻二月三月五月八月內採初取得乘潤刮去皮沸湯略煮過暴乾收之嵩山衡山人或取生者蜜煎作果食之甚珍

雷公云凡使勿用御風草緣與天麻相似只是葉莖不同其御風草根莖斑葉皆白有青點使御風草根勿使天麻二件若同用即令人有腸結之患修事天麻十兩用蒺藜子一鎰緩火熬焦熟後便先置天麻十兩於瓶巾上用火炒過蒺藜蓋內外便用三重帛蓋并繫從已至未時又取蒺藜子再入熬炒准前安天麻於瓶內用炒了蒺藜子於中依前蓋又隔一伏時後出如此七遍瓶盛出後用布拭上氣汗用刀劈焙之細剉單搗然用御風草修事法亦同天麻
別說云謹按赤箭條下所說甚詳今就此考之尤為分明詳此圖經之狀即赤箭苗

之未長大者二說前後自不同則所為紫花者又不知是何物也若依赤箭條後用之為是

衍義曰天麻用根須別藥相佐使然後見其功仍須加而用之人或審漬為果或蒸煮食用天麻者深思之則得矣苗則赤箭也

阿魏



阿魏 味辛平無毒主殺諸小蟲去臭氣破癥積下惡氣除邪鬼蠱毒生西蕃及崑崙

唐本注云苗葉根莖酷似白芷搗根汁日煎作餅者為上截根穿暴乾者為次體性極臭而能止臭亦為奇物也唐本先附禹錫等按蕭炳云今人日煎蒜白為假者真者極臭而去臭為奇物今下細蟲極効

段成式酉陽雜俎云阿魏出伽闍那國即北天竺也伽闍那呼為形虞亦出波斯國波斯呼為阿虞載樹長八九尺皮色青黃三月生葉形似鼠耳無花實斷其枝汁出如飴久乃堅疑名阿魏拂林國僧憐所說同摩伽佗僧提婆言取其汁和米豆屑合成阿魏

日華子云阿魏熱治傳屍破癥癰冷氣辟溫治瘡兼主霍亂心腹痛腎氣溫瘴禦一切草萊毒

圖經曰阿魏出西蕃及崑崙今惟廣州有之舊說苗葉根極似白芷搗根汁日煎作餅者為上截根穿暴乾者為次今廣州出者云是木膏液滴釀結成二說不同謹按段成式酉陽雜俎云阿魏木生波斯國乎為阿虞木長八九尺皮色青黃三月生葉似鼠耳無花實斷其枝汁出如飴久乃堅疑名阿魏或云取汁和米豆屑合釀而成乃與今廣州所生相近耳
海藥云謹按廣志云生石崑崙國是木津

液如桃膠狀其色黑者不堪其狀黃散者為上其味辛溫善主於風邪鬼疰并心腹中冷服餅又雲南長河中亦有阿魏與舶上來者滋味相似一般只無黃色

雷公云凡使多有訛偽其有三驗第一驗

半銖安於熟銅器中一宿至明沾阿魏處

白如銀永無赤色第二驗將一銖置於五

斗草自然汁中一夜至明如鮮血色第三

驗將一銖安柚樹上樹立乾便是真凡使

先於淨鉢中研如粉了於熱酒器上衰過

任入藥用

千金翼尸疰惡氣阿魏治之神効

別說云謹按阿魏補注圖經所說合在木

部今二浙人家亦種枝葉香氣皆同而差

淡薄但無汁膏爾

高良薑



高良薑 天溫主暴冷胃中冷逆霍亂腹痛

陶隱居云出高良薑郡人腹痛不止但嚼

食亦効形氣與杜若相似而葉如山薑

唐本注云生嶺南者形大虛軟江左者細

緊味亦不甚辛其實一也今相與呼細者

為杜若大者為高良薑此非也○今按陳

藏器本草云高良薑味辛溫下氣益聲好

顏色黃作飲服之止痢及霍亂○又按別

本注云二月三月採根暴乾味辛苦大熱

無毒

禹錫等按藥性論云高良薑使能治服內

久冷胃氣逆嘔吐治風破氣腹冷氣痛去

風冷痺弱瘰下氣冷逆衝心腹痛吐瀉

日華子云治轉筋瀉痢反胃嘔食解酒毒

消宿食

圖經曰高良薑舊不載所出州土陶隱居

云出高良郡今嶺南諸州及黔蜀皆有之

內郡雖有而不堪入藥春生莖葉如薑苗

而大高一二尺許花紅紫色如山薑二月

三月採根暴乾古方亦單用治忽心中惡

口吐清水者取根如散塊含嚙津邊巡即

差若臭亦含嚙更加草豆蔻同為末煎湯

常飲之佳

聖惠方治霍亂吐利腹痛等疾高良薑一

兩剉以水三大盞煎取二盞半去滓下粳

米二合煮粥食之

外臺秘要備急霍亂吐利方火炙高良薑

令焦香每用五兩打碎以酒一升煮三四

沸頓服亦治腹痛氣惡

蘇恭云凡患脚氣每旦任意飽食午後可

食日晚不食如飢可食豉粥若腹不消欲

成霍亂者即以高良薑一兩打碎以水三

升煮取一升頓服盡即消待極飢乃食一

椀薄粥其藥唯極飲之良若卒無高良薑

母薑一兩代之以清酒一升煮令極熱和

淳食之雖不及高良薑亦大效矣
十全方治心脾痛以高良薑細剉微炒杵
末米飲調下一錢七立止


百部根



州 祿



州 峽



州 衡

百部根

微温 禹錫等謹按蜀本云微寒 主欬嗽上氣

陶隱居云山野處處有根數十相連似天
門冬而苦強亦有小毒火炙酒漬飲之療
欬嗽亦主去蠱瘻作湯洗牛犬蠱即去博
物志云九真一種草似百部但長大爾懸
火上令乾夜取四五寸短切含咽汁勿令
人知主暴欬甚良名為欬藥疑此是百部
恐其土肥潤處是以長大爾○今按陳藏
器本草云百部根火炙浸酒空腹飲去蠱
蚕咬兼疥癬瘡

禹錫等按藥性論云百部使味甘无毒能
治肺家熱上氣欬逆主潤益肺

日華子云味苦无毒治疔蛇及傳尸骨蒸
勞殺蛇蟲寸白燒蟲并治一切樹木蛀虫
燒之亦可殺蠅蝶又名婆娑草一根三十

來草

圖經曰百部根舊不著所出州土今江湖
淮陝齊魯州郡皆有之春生苗作藤蔓葉
大而尖長頗似竹葉面青色而光根下作
撮如芋子一撮乃十五六枚黃白色二月

三月八月採暴乾用古今方書治嗽多用
葛洪主卒嗽以百部根生薑三物各絞汁
合煎服二合張文仲單用百部根酒漬再
宿大温服一升日再千金方療三十年嗽
以百部根二十觔搗絞取汁煎之如飴服
方寸七日三服驗

唐本云微寒有小毒

雷公云凡使採得後用竹刀劈破去心皮
花作數十條懸於簷下令風吹待土乾後
却用酒浸一宿漉出焙乾細剉用葱一窠
自有八十三條者號曰地仙苗若修事餌
之可千歲也

外臺秘要治誤吞錢百部根四兩酒一升
漬一宿温服一升日再服


續十全方治暴嗽百部藤根搗自然汁和
蜜等分沸湯煎成膏嚥之

抱朴子百部根理咳嗽及殺蠱

藿香子



州



音懷

味辛平無毒主諸瘰癧亂及蛇傷

唐本注云葉似老葫荑極細莖羸高五六

尺叢生今注一名茴香子亦主膀胱腎間

冷氣及育腸氣調中止痛嘔吐也唐本先

附

禹錫等按藥性論云懷香亦可單用味苦

辛和諸食中甚香破一切臭氣又卒惡心

腹中不安煮食之即差川中多食之

日華子云得酒良治乾濕脚氣并腎勞癩

疝氣開胃下食治膀胱痛陰疼入藥炒用

圖經曰懷香子亦名茴香本經不載所出

今交廣諸蕃及近郡皆有之入藥多用蕃

舶者或云不及近處者有力三月生葉似

老葫荑極細作叢至五月高三四尺七

月生花頭如傘蓋黃色結實如麥而小青

色北人呼為土茴香苗懷聲近故云耳八

月九月採實陰乾今近地人家園圃種之

甚多古方療惡毒癰腫或連陰解間疼痛
急擊牽入小腹不可忍一宿則殺人者用
茴香苗葉搗取汁一升服之日三四用其
滓以貼腫上冬中根亦可用此外國方永
嘉以來用之起死神効

食療云國人重之云有助陽道用之未得
其方法也生搗莖葉取汁一合投熱酒一
合服之治卒腎氣衝脇如刀刺痛喘息不
得亦甚理小腸氣

孫真人云治瘴癘渾身熱連背項麩茴香
子搗取汁服


經驗後方治脾胃進食茴香二兩生薑四
兩同搗令勻淨器內濕布蓋一宿次以銀
石器中文武火炒令黃焦為末酒圓如梧
子大每服十九至十五丸茶酒下

食醫心鏡面香治霍亂辟熱除口氣臭衰
作羹及生食並得


衍義曰懷香子今人止呼為茴香治膀胱
冷氣及癰痛亦調和胃氣唐本注似老葫
荑此誤也葫荑葉似蛇床懷香徒有葉之

名但散如絲髮特異諸草枝上時有大青
蟲形如蚕治小腸氣甚良
欵冬花


州雄



州



州秦



音





欵冬花 味辛甘溫無毒主欵逆上氣善喘喉痺諸驚癇寒熱邪氣消渴喘息呼吸一名橐

吾一名顆東一名虎鬚一名菟奚一名氏冬生常山山谷及上黨水傍十一月採花陰乾否人為之使得紫死良惡皂角消石玄參畏貝母辛夷麻黃黃耆黃芩黃連青箱

陶隱居云今第一出河北其形如宿蓴未舒者佳其腹內有絲次出高麗百濟其花乃似大菊花次亦出蜀北部宕昌而並不如其冬月在冰下生十二月正月且取之唐本注云今出雍州南山溪水及華州山谷澗間葉似葵而大叢生花出根下

禹錫等按爾雅云菟奚顆凍釋曰藥草也郭云欵凍紫赤華生水中藥性論云欵冬花君主療肺氣心促急熱乏勞欵連連不絕涕唾稠黏治肺痿肺癰吐膿日華子云潤心肺益五藏除煩補勞劣消

痰止咳肺痿吐血心虛驚悸洗肝明目及中風等疾十一月十二月雪中出花圖經曰欵冬花出常山山谷及上黨水傍今關中亦有之根紫色莖青紫葉似草薺十二月開黃花青紫莖去土一二寸初出

如菊花萼通直而肥實無子則陶隱居所謂出高麗百濟者近此類也又有紅花者葉如荷而斗直大者容一升小者容數合俗呼為蜂斗葉又名水斗葉則唐所注大者如葵而叢生者是也十一月採花陰乾

或云花生於冰下正月且採之郭璞注爾雅顆凍云紫赤花生水中冰水字近疑一有誤而傳咸欵冬賦序曰余曾逐禽登于北山于時中冬之月冰凌盈谷積雪被崖顧見欵冬焯然如敷華豔當是生於冰下

為正也本經主欵逆古今方用之為治嗽之最崔知悌療久嗽熏法每旦取欵冬花如雞子許少蜜拌花使潤內一升鐵鑊中又用一瓦椀鑽一孔孔內安一小竹筒筆管亦得其筒稍長作椀鑊相合及挿筒處

皆甃堊之勿令漏氣鑊下著炭火少時欵冬煙自從筒出則口含筒吸取煙嚙之如宵中稍悶須舉頭即將指頭捻筒頭勿使漏煙氣及煙使盡止凡如是五日一為之待至六日則飽食羊肉餅飪一頓水差

雷公云凡採得須去向裏裹花藥殼并向裏實如粟零殼者并枝葉用以甘草水浸一宿却取欵冬花葉相拌裏一夜臨用時即乾煎取兩件拌著葉了用

衍義曰欵冬花百草中惟此不顧冰雪最先春也世又謂之鑽凍雖在冰雪之下至時亦生芽春時人或採以代蔬入藥須微見花者良如已芬芳則都無力也今人多使如筋頭者恐未見花爾有人病嗽多日或教以然欵冬花三兩放於無風處以筆管吸其煙滿口則嚙之數日効

紅藍花





紅藍花

味辛溫無毒主產後血運口噤腹內惡血不盡絞痛胎死腹中並酒煮服亦主蠱毒下血堪作燕脂其苗生搗碎傳遊腫其子吞數顆主天行瘡子不出其燕脂主小兒疳耳滴耳中生梁漢及西域一名黃藍博物志云黃藍張騫所得今滄魏地亦種之附今

圖經曰紅藍花即紅花也生梁漢及西域今處處有之人家場圃所種冬而布于於熟地至春生苗夏乃有花亦作椽彙多刺花葉出椽上圓人承露採之採已復出至盡而罷椽中結實白顆如小豆大其花暴乾以染真紅及作燕脂主產後血病為勝其實亦同葉頗似藍故有藍名又名黃藍博物志云張騫所得也張仲景治六十二種風兼腹內血氣刺痛用紅花一大兩分為四分以水一大升煎強半頓服之不止再服又一方用紅藍子一升搗碎以無灰酒一大升八合拌了暴令乾重搗篩蜜圓

如梧子大空腹酒下四十圓正元廣利方治女子中風血熱煩渴者以紅藍子五大合微熬搗碎旦日取半大匙以水一升煎取七合去滓細細嚙之又崔元亮海上方治喉痺壅塞不通者取紅藍花搗絞取汁一小升服之以差為度如冬月無濕花可浸乾者濃絞取汁如前服之極驗咽喉塞服之皆差亦療婦人產運絕者唐本註云治口噤不語血結產後諸疾堪染紅

外臺秘要治一切腫方以紅花熟爛搗取汁服之不過再三服便差服之多少量腫大小而進之簡要濟衆產後血暈心悶氣絕紅花一兩搗為末分作兩服酒二中蓋煎取一盞併服如口噤幹開灌之子母秘錄同產寶方療產後中風煩渴紅花子五合微熬研碎以一匙水一升煎取七合徐徐呷之近効方治血暈絕不識人煩悶者紅花三

兩新者佳無灰酒半升童子小便半升煮取一大盞去滓俟冷頓服之新汲水煮之亦良

牡丹



牡丹

味辛苦寒微寒無毒主寒熱中風痲痺瘕音痲驚癩邪氣除癥堅瘀血留舍腸胃安五臟療癰瘡除時氣頭痛客熱五勞勞氣頭腰痛風噤癩疾一名鹿韭一名鼠姑生巴郡山谷及漢中二月八月採根陰乾畏苑陶隱居云今東間亦有色赤者為好用之去心按鼠婦亦名鼠姑而此又同殆非其類恐字誤唐本注云牡丹生漢中劔南所出者苗似羊桃夏生白花秋實圓綠冬實赤色凌冬不凋根似芍藥肉白皮丹山江劔南土人

謂之牡丹亦名百兩金京下謂之吳牡丹者是真也今俗用者異於此別有滕氣也禹錫等按藥性論云牡丹能治冷氣散諸痛治女子經脉不通血瀝腰痛

蕭炳云今出合州者佳白者補赤者利出

和州宣州者並良

日華子云除邪氣悅色通關腠血脉排膿通月經消撲損瘀血續筋骨除風痺落胎下胞產後一切女子冷熱血氣此便是牡丹花根巴蜀渝合州者上海鹽者次服忌

蒜

圖經曰牡丹生巴郡山谷及漢中今丹廷青越滁和州山中皆有之花有黃紫紅白數色此當是山牡丹其莖梗枯燥黑白二月於梗上生苗葉三月開花其花葉與人家所種者相似但花止五六葉耳五月結子黑色如雞頭子大根黃白色可五七寸長如筆管大二月八月採銅刀劈去骨陰乾用此花一名木芍藥近世人多貴重圃人欲其花之詭異皆秋冬移接培以壤

上至春威開其狀百變故其根性殊失本真藥中不可用此品絕無力也牡丹止血仍去瘀滯正元廣利方療因傷損血瘀不散者取牡丹皮八分合蜜蟲二十一枚熬過同搗篩每用溫酒和散方寸七服血當化為水下

雷公云凡使採得後日乾用銅刀劈碎去骨了細剉如大豆許用清酒拌蒸從已至未出日乾用

外臺秘要治蠱毒方取牡丹根搗為末服

一錢七日三服良

肘後方治下部生瘡已決洞者服牡丹方寸七日三服

衍義曰牡丹用其根上皮下皮花亦有緋者如西洛潛溪緋是也今藥苑又有深碧色者惟山中單葉花紅者為佳家禪子次之若移枝接者不堪用為其花葉既多發奪根之氣也何以知之今千葉牡丹初春留花稍多來年花枝并葉便瘦多是開不成市人或以枝梗皮售於人其垂殊甚

京三稜



江寧府




隨州



邵州



河中府



京三稜

味苦平無毒主老癖癥瘕結塊俗傳

昔人患癥瘕死遺言令開腹取之得病塊乾硬如石文理有五色人謂異物竊取削成刀柄後因以刀刈三稜柄消成水乃知此可療癥瘕也黃色體重狀若鯽魚而小又有黑三稜狀似烏梅而稍大有鬚相連蔓延體輕為療體並同附今

禹錫等按日華子云味甘澀治婦人血脉不調心腹痛落胎消痰血補勞通月經治氣脹消撲損瘀血產後腹痛血運并宿血不下

圖經曰京三稜舊不著所出地上今河陝江淮荆襄間皆有之春生苗高三四尺似芡蒲葉皆三稜五六月開花似莎草黃紫色霜降後採根削去皮鬚黃色微苦以如

小鯽魚狀體重者佳多生淺水傍及陂澤中其根初生成塊如附子大或有扁者傍生一根又成塊亦出苗其不出苗只生細根者謂之雞爪三稜又不生細根者謂之黑三稜大小不常其色黑去皮即白河中

府又有石三稜根黃白色形似釵股葉綠色如蒲苗高及尺葉上亦有三稜四月開花白色如紅蓼花五月採根亦消積氣下品別有草三稜條云生蜀地即雞爪三稜也其實一類故附見於此一說三稜生荆

楚字當作荆以著其地本經作京非也今世都不復有三稜所用皆淮南紅蒲根也秦州尤多舉世皆用之雖太醫不以為謬蓋流習既久用根者不識其苗採藥者莫究其用因緣差失不復更辨今三稜荆裏

江淮水澤之間皆有葉如莎草極長莖三稜如削大如人指高五六尺莖端開花大體皆如莎草而大生水際及淺水中苗下即魁其傍有根橫貫一根則連數魁上發苗採時斷其莖及橫根形扁長如鯽魚

者三稜也根未將盡一魁未發苗小圓如烏梅者黑三稜也又根之端鉤屈如爪者即雞爪三稜皆皮黑肌白而至輕三者本一物但力有剛柔各適其用因其形為名如烏頭烏喙雲母雲華之類非兩物也今

人乃妄以鳧茨香附子為之又本草謂京三稜形如鯽魚黑三稜如烏梅而輕今紅蒲根至堅重刻削而成莫知形體又葉扁莖圓不復有三稜處不知何緣名三稜也今三稜皆獨傍引二根无直下根其形大

體多亦如鯽魚陳藏器云本經無傳三稜總有三四種但取根似烏梅有鬚相連蔓如緹作漆色蜀人織為器一名葵者是也外臺秘要治癥瘕及主鼓脹滿以三稜豆

切一石水五石煮一石去滓更煎取三斗汁銅器中重釜煎如稠糖出內密器中且服一匙酒一盞服之日二每服恒令酒氣相續又方下乳汁以京三稜三箇以水一碗煎

取一梳洗炆取汁為度極妙
子母秘錄治小兒氣癰取三梳汁作羹粥
以米麪為之與炆母食每日取一匙大與
小兒喫亦得作粥與癰熱食之治小兒十
歲已下及新生百日無問癰熱無辜瘡癰
等皆理之秘妙不具言大効

薑黃



薑味辛苦大寒無毒主心腹結積疰忤下
氣破血除風熱消癰腫功力烈於鬱金
唐本注云根葉都似鬱金花春生於根與

苗並出夏花無子根有黃青白三色其作
之方法與鬱金同惟花生異耳唐本先附
禹錫等按陳藏器云薑黃真者是經種三
年已上老薑能生花在根際一如薑荷根
節緊硬氣味辛粹種薑處有之終是難得
性熱不冷本經云寒誤也破血下氣西蕃
亦有來者與鬱金迷藥相似如蘇恭所附
即是迷藥而非薑黃蘇不能分別二物也
又云迷味苦温主惡風疰忤心痛血氣結
積蘇云薑黃是迷○又云鬱金是胡迷夫
如此則三物無別遞相連名忽稱為迷功
狀則合不殊今迷味苦色青薑黃味辛温
無毒色黃主破血下氣温不寒鬱金味苦
寒色赤主馬熱病三物不同所用各別
日華子云薑黃熱無毒治癥瘕血塊癰腫
通月經治撲損瘀血消腫毒止暴風痛冷
氣下食海南生者即名蓬莪迷江南生者
即為薑黃
圖經曰薑黃舊不載所出州郡今江廣蜀
川多有之葉青綠長一二尺許闊三四寸

有科文如紅蕉葉而小花紅白花至中秋
漸凋春末方生其花先生次方生葉不結
實根盤屈黃色類生薑而圓有節或云真
者是經種三年已上老薑能生花在根
際一如薑荷根節緊硬氣味辛粹種薑處
有之八月採根片切暴乾蜀人以治氣脈
及產後敗血攻心甚驗蠻人生叢云可以
祛邪辟惡謹按鬱金薑黃迷藥三物相近
蘇恭不細辨所說乃如一物陳藏器解紛
云迷味苦色青薑黃味辛温色黃鬱金味
苦寒色赤主馬熱病三物不同所用全別
又劉涓子注吳都賦薑葉非一云薑葉大
如螺氣猛近於臭南土人搗之以為薑莖
一名廉薑生砂石中薑類也其味大辛而
香削皮以黑梅并薑汁漬之乃成也始安
有之據此廉薑亦是其類而自是一物耳
都下近年多種薑往往有薑黃生賣乃是
老薑市人買生叢之云治氣為最醫家治
氣藥大方中亦時用之
千金翼瘡疥初成或始痛痒以薑黃傳之

妙

經驗後方治心痛薑黃一兩桂穰三兩為末醋湯下一錢七

草撥



草一
四十九

味辛大温無毒主温中下氣補腰脚殺

腥氣消食除胃冷陰疝疰癖其根名草撥沒主五勞七傷陰汗核腫生波斯國此藥叢生莖葉似藟蒿子緊細味辛烈於藟蒿附禹錫等按日華子云治霍亂冷氣心痛血氣

陳藏器云畢勃沒味辛温無毒主冷氣嘔逆心腹脹滿食不消寒疝核腫婦人內冷無子治腰腎冷除血氣生波斯國似柴胡黑硬草撥根也
圖經曰草撥出波斯國今嶺南有之多生

竹林內正月發苗作叢高三四尺其莖如

筋葉青圓闊二三寸如桑面光而厚三月

開花白色在表七月結子如小指大長二

寸已來青黑色類椹子九月收採灰殺暴

乾南人愛其辛香或取葉生茹之黃牛乳

煎其子治氣痢神良謹按唐太宗實錄云

正觀中上以氣痢久未痊服他名醫藥不

應因詔訪求其方有衛士進乳煎草撥法

御用有效劉禹錫亦記其事云後累試年

長而虛冷者必効

海藥云謹按徐表南州記本出海南長一指亦褐色為上復有草撥短小黑味不堪與阿魏和合良亦滋食味得訶子人參桂心乾薑治藏府虛冷腸鳴洩痢神効

唐本註云今人以調食味

雷公云凡使先去挺用頭醋浸一宿焙乾以刀刮去皮粟子令淨方用免傷人肺令人上氣

聖惠方治冷痰飲惡心用草撥一兩搗為末於食前用清粥飲調半錢服

經驗後方治偏頭痛絕妙草撥為末令患者口中含左邊疼令左鼻吸一字右邊令右鼻吸一字効

衍義曰草撥走腸胃中冷氣嘔吐心腹滿痛多服走泄真氣令人腸虛下重

圖經衍義本草卷之十四

五